



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallela Geographiae Veteris Et Novae

Parallela Geographica Italiae Veteris Et Novae

Briet, Philippe

Parisiis, 1649

§. 6. Regimen Politicum Genuensium.

urn:nbn:de:hbz:466:1-13120

§. 6. Regimen Politicum Genuenium.

Dux præcipuuſ est magistratus, qui publicas ædes, palatium vocant, inhabitat, eique Prætoriani adhibentur quinquaginta Germani, tantumque biennio præst: sequuntur Octouiri, vulgo dicti la Signoria, qui cum Duce summum consilium faciunt. Imperator vna cum Tribunis militaribus 40. annuâ potestate legionibus præſunt, & optimatum suffragiis creantur, ſicut & præcedentes Octouiri. Seligitur insuper Prætor cum duobus Legatis, quorum vnuſ ut vocant Fiscalia trahat, alter Criminalia: adiiciuntur Quinque-viri, priuatorum iudiciorum in biennium, quam iurisdictionem Rotam vocant. Seliguntur etiam Septemviri ad lites extra ordinem definiendas. Insuper accedit Syndicatus Quinque virorum, (qui viri censores ſunt) hi aduersus Octouiros, & Ducem, exacto magistratu ſtatuant, edicto proposito, ſi quis ciuium de eorum iniuriâ queratur. Si conqueritur nemo, edunt edictum de magistratu ſanctè obito. Hic quoque aliud collegium San-Georgianum datum anno 1407. institutum, cui Resp. ſuam incolumitatem debet; eius officium est videre ne priuati cum Rep. contrahentes ullum damnum patientur. Hæc autem Societas ornata eſt magnis priuilegiis à Pontificibus, & Imperatoribus, & quicumque in eā magistratum capessunt, priuilegia eius Societatis ſe ſeruatores iurare coguntur. Præſt autem illa, & ius dicit Locatariis, ut vocant, ſiue qui redditum participes ſunt. Huic autem Octouiri præſunt qui Protectores vulgo nominantur, quorum munus eſt annum, & ſexto quoque mense eliguntur quatuor. Sunt etiam alij Octouiri dicti Quadragesita quatuor, quia anno 1544. eligi coepérunt, quod superiores Octouiri negotiis expediendis pares non eſſent. Ex iis duo quotannis mutantur, & prouidere debent, ut res Sodalitatis San-Georgianæ promoueantur, atque Corsicam Insulam cum aliquot ciuitatibus adminiſtrant. Dereliquis Magistratibus vide libellum de Principibus Italix. Vbi nominari videbis 28. Præfecturas Genuenes, Vicarius quinque, Capitanatus tres, Gubernaturam, ut vocant, vnam, duas Præturas, Comiſſariatus duos.